



**BOSNA I HERCEGOVINA**  
**FEDERACIJA BOSNE I HERCEGOVINE**  
**OPĆINA TEŠANJ**

# Trogodišnji plan rada OPĆINE TEŠANJ

---

smjernice za period 2025. – 2027. godina

Februar 2024

## 1) Uvod

Članom 10. Uredbe o trogodišnjem i godišnjem planiranju rada, monitoringu i izvještavanju u FBiH („Službene novine Federacije BiH“ br. 74/19 i 2/21) propisano je da proces izrade trogodišnjeg plana počinje sa izradom Smjernica za trogodišnje planiranje.

Trogodišnji plan rada Općine Tešanj je implementacioni dokument koji operacionalizira strateške ciljeve, prioritete i mjere postavljene u Strategiji razvoja Općine Tešanj 2023.-2027.godine te predstavlja osnovu za izradu DOB-a, PJI-a te godišnjeg plana rada. Općina Tešanj će do 2027. godine, uspostaviti mehanizame koji osiguravaju sinergijske efekte između ekonomije, okoliša i društva, kroz viziju, odnosno glavni program da je „**Tešanj, sredina ekološke svijesti, inovativne poduzetnosti i društvene etike**“.

Poslove i zadatke iz okvira nadležnosti Općine Tešanj, utvrđene Statutom Općine Tešanj („Službeni glasnik Općine Tešanj“ broj 11/07), Zakonom o principima lokalne samouprave u FBiH („Službene novine Federacije BiH“, br. 49/06, 51/09) te Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), Općina Tešanj će u periodu 2025.-2027. godine realizovati kroz ostvarivanje strateških ciljeva, programa i aktivnosti, predstavljenih u nastavku dokumenta, a zasnovanih na Strategiji razvoja te normativnim aktima i drugim strateškim dokumentima koji se odnose na jedinice lokalne samouprave.

## 2) Osvrt na projekte i aktivnosti realizovane godišnjim planom rada za prethodnu kalendarsku godinu;

Općina Tešanj je u predhodnoj godini izvršavala poslove i zadatke iz djelokruga jedinice lokalne samouprave. Projekti i aktivnosti koji su najizraženije uočljivi u odnosu na razvoj na području općine Tešanj te se u najvećem obimu odnose na unaprijeđenje stanja infrastrukture. Jedan od najznačajnijih projekata u ovom vremenskom periodu je „2.1.2.1. S.P. Prolazak koridora kroz područje općine sa izgradnjom adekvatne lokalne infrastrukture“. Na osnovu projektnih aktivnosti može se zaključiti da su najveća sredstva angažovana na strateški cilj 2 „Tešanj, sredina ugodnog življenja, pogodna da vrline, znanja i vještine dođu do izražaja“ ili društveni sektor, ali je potrebno naglasiti da se u ovom sektoru nalazi jedan od najznačajnijih projekata na području naše opštine a to je prolazak koridora Vc koji je u pravom zamahu i intenzivno se radi kako na trasi koridora tako i na dodatnim projektima uz koridor a što je uključeno u Strategiju razvoja.

**U okviru prvog strateškog cilja (Tešanj, poželjno mjesto za investicije i inovacije)**, potrebno je izdvojiti slijedeće projekte na koje su uložena značajna sredstva a to su TECH LAB i poslovni inkubator, ovaj projekat je uspostavljen i već se vide rezultati. Podrška sajamskim manifestacijama, u okviru ovog projekta su bile 4 sajamske manifestacije koje je podržala općina Tešanj a to su: 17. Sajam privrede, sajam pčelarstva, sajam pekmeza i domaćih proizvoda kao i sajam srednjih škola i fakulteta. Značajna podrška poljoprivrednoj proizvodnji, opremanje poslovnih zona sa infrastrukturnim sadržajem, Rekonstrukcija lokalnog puta Bukva-Medakovo-Tešanjka, te unapređenje saradnje privrednog sektora i srednjih škola. Lokalni akcioni plan zapošljavanja općine Tešanj za period 2023.-2026. godina je završen i usvojen od strane Općinskog vijeća. U sklopu projekta promocije vještina i kompetencija (Stam kabinet, tehnička

kultura), uspješno je organizovana višednevna obuka u oblasti STEM obrazovanja gdje su mladi pokazali izuzetno razumjevanje gradiva i potencijal za buduće naučnike i inovatore.

**U okviru drugog strateškog cilja (Tešanj, sredina ugodnog življenja, pogodna da vrline, znanja i vještine dođu do izražaja)** u završnoj fazi je projekat izgradnje novog objekta JU Centar za socijalni rad Tešanj, radi se na unutrašnjem uređenju. Nastavljena izgradnja zgrade osnovne škole u Medakovu, urađena krovna konstrukcija te se u narednom periodu očekuju povećana sredstva sa viših nivoa vlasti i intenzivniji radovi kako bi se što prije završio objekat i stavio u funkciju. Sportska dvorana u Jelahu ide svojom dinamikom. Društveni razvoj od planiranih 55 projekata na 40 projektu su djelimično ili u cijelosti implementirane planirane aktivnosti. Na 15 projekata nisu urađene planirane aktivnosti i to će nam biti fokus u narednoj planskoj godini. U 2023. godini značajna sredstva smo izdvojila i intenzivno se radilo na izgradnji zgrade Centra za socijalni rad, izgradnja infrastrukture u mjesnim sredinama, rekonstrukcija centra za kulturu kino sale, podrška sportskim organizacijama, podrška udruženjima građana, podrška licima boračke kategorije, podrška projektima vjerskih zajednica i crkava, podrška aktivnostima dobrovoljnog darivanja krvi, program stipendiranja studenata, stambeno zbrinjavanje mladih te ostalim projektima.

Projekat prolazak koridora kroz područje općine sa izgradnjom adekvatne infrastrukture je u punom zamahu i radovi se izvode na obje dionice koje prolaze kroz našu općinu sa vidljivim rezultatima napretka i vizualnom transformacijom terena. Općina svojim angažmanom daje puni doprinos na rješavanju tekućih problema na ovom projektu.

**U okviru trećeg strateškog cilja (Tešanj sredina zelenog rasta i čiste energije)** su aktivnosti na smanjenju gubitaka te pronalasku dodatnih količina vode, te izradi kanalizacione mreže. Završen je u potpunosti i pušten u funkciju bunar PEB-5 te pokrenute aktivnosti za izgradnju bunara PEB-4. Projekat proširenje obuhvata i unapređenja sistema vodosnadbijevanja nije imao realizaciju u 2023. godinu ali su ugovoreni radovi u iznosu 828 507 KM od čega 180 000 KM za vodovod Kalošević a ostala sredstva za proširenje i izgradnju vodovoda na području Karadaglije-Jablanica. Treba istaći projekat rekonstrukcije centralnog grijanja uz mogućnost obnovljivih izvora energije je kandidovan putem Fonda za okoliš FBiH kod Vlade Republike Češke koji se nalazi u fazi ocjenjivanja. Krajem 2022. godine dobili smo pismenu potvrdu od direktora Češke razvojne agencije da je projekat „**Toplification of the Municipality of Tešanj with Renewable / Environmentally Acceptable Energy Sources –Phase I, Stage I**” („Toplifkacija općine Tešanj obnovljivim/ekološki prihvatljivim izvorima energije – I faza”) dobio podršku za dalju realizaciju u saradnji sa općinom i Fondom za zaštitu okoliša FBiH. I dalje očekujemo povratne informacije za nastavak i realizaciju ovog projekta, ali stvari sa ocjenjivanjem projekat ne idu planiranom dinamikom kod donosioca odluke, nadamo se da će ovaj projekat biti ocijeniti pozitivno i da će se donijeti odluke koje će nastaviti realizaciju ovog projekta. Izrada Studije dugoročnog rješenja vodosnadbijevanja na području općine Tešanj sa idejnim rješenjima, izabran izvođač za izradu studije.

Projekti iskorištenja solarne energije su pokrenuti, Toplana je završila mini solarnu elektranu 23 kW i već ubire prihode od toga, a za Opća Bolnica i komunalno preduzeće JP RAD su urađeni prijekti tako da se očekuje realizacije u 2024. godini.

Kroz projekat Opremanje službi zaštite i spašavanja, realizirano je i kupljeno novo vatrogasno vozilo za potrebe službe civilne zaštite općine Tešanj. Radi se o vozilu koje može skladištiti 6 m<sup>3</sup>

vode i 600 l pjene što će olakšati rad Profesionalnoj vatrogasnoj jedinici i zamijenit će vozilo staro 40 godina. Ukupna vrijednost vozila je 468 000 KM.

### **3) Kratak opis ključnih usmjerenja trogodišnjeg plana rada i provedenog procesa konsultacija;**

U narednom trogodišnjem periodu Općina Tešanj će svoje aktivnosti usmjeriti na izvršavanje poslova i zadataka iz okvira nadležnosti jedinice lokalne samouprave. Period trogodišnjeg plana prevashodno obuhvata izvršavanje sistemskih postavljenih aktivnosti praćenim budžetskim izdacima (transferima) i realizaciju mjera i projekata iz Strategije razvoja za period 2023-2027. godina što podrazumjeva aktivnosti kreiranja i projektovanja, planiranja i namicanja potrebnih sredstva i implementaciju istih.

Najznačajnija aktivnost u planiranom periodu na području općine Tešanj, koja će doprinjeti ukupnom razvoju u svim segmentima jeste izgradnja cestovnog koridora Vc i prateće infrastrukture. Razvoj društvene infrastrukture je u fokusu planiranog perioda i očekuje se da multiplicira pozitivne efekte.

U oblasti ekonomskog razvoja Općina Tešanje će iz okvira nadležnosti jedinice lokalne samouprave nastojati krenuti što bolji poslovni ambijent. To podrazumjeva razvoj poduzetničke infrastrukture, između ostalog naslonjenu na izgradnju cestovne infrastrukture višeg ranga. U okviru pomenutih aktivnosti Općina Tešanj će ulagati sredstva u poslovne zone i proširenje istih. Trogodišnji plan se usmjerava na suočavanje sa tehnološkim izazovima i mogućnostima uvođenja novih tehnologija i razvoja vještina potrebnih izazovima u privredi. Značajan segment obuhvata trogodišnjeg plana se odnosi na oblast poljoprivrede i turizma, posebno u dijelu turističke valorizacije kulturno-historijskih znamenitosti. U kontekstu unaprijeđenja poslovnog okruženja trogodišnji plan je usmjeren na aktivnosti vezane za razvoj radne snage, saradnje sa privrednim sektorom i organizovanje i podršku sajamskim promotivnim manifestacijama.

U pogledu društvenog razvoja pored osiguranja kontinuiranih aktivnosti i potreba putem transfera, aktivnosti će se usmjeriti na unaprijeđenje društvene infrastrukture i sadržaja u oblasti obrazovanja, kulture i sporta, zdravstva, socijalne zaštite i uopšteno razvoja javne infrastrukture prilagođene specifičnostima i potrebama općine Tešanj. Značajan segment planiranih aktivnosti u oblasti društvenog razvoja je usmjeren na unaprijeđenje rada javne uprave naručito u segmentu povećanja digitalizacije procesa i komunikacije za građanima-korisnicima usluga. Trogodišnji plan aktivnosti usmjerava i prema specifičnim kategorijama, kao što su mladi u smislu poboljšanja društvenog statusa mladih i kreiranje preduslova i podsticajnih mjera za zapošljavanje mladih.

Što se tiče okoliša Općina Tešanj će se u planskom periodu usmjeriti na unaprijeđenje vodnih usluga u smislu poduzimanja aktivnosti na vodosnabdijevanju, odvodnji i prečišćavanju otpadnih voda. Specifično se izdvaja potreba povećanja količina zahvatanja vode i potreba da se pokuša pronaći dugoročno rješenje kvalitetnog vodosnabdijevanja. U segmentu okoliša planira se suočavanje sa problemima odlaganja otpada kroz planove upravljanja otpadom i na intenziviranju aktivnosti koje doprinose kvaliteti zraka, što podrazumjeva suočavanje sa problemima toplifikacije i većeg iskorištavanja zelenih energija kao doprinosa energetske tranziciji. Konačno, Općina

Tešanj u planiranom periodu će poduzimati aktivnosti na unaprijeđenju sigurnosti za građane u odnosu na dominantne rizike opasnosti.

**4) Opis institucionalnih kapaciteta sa analitičkim pregledom ključnih nedostataka i potreba organa uprave u odnosu na planirane programe (mjere) za naredni trogodišnji period;**

Unutrašnja organizacija općinske uprave uređena je Pravilnikom o unutrašnjoj organizaciji.

Općina Tešanja svoje nadležnosti obavlja kroz 6 službi: to: Služba za društvene djelatnosti i investicije, koju čine tri odjeljenja; Služba za finansije, privredu, komunalne i inspeksijske poslove, koju čine četiri odjeljenja; Služba za katastar, urbanizam i imovinsko-pravne poslove, koju čine tri odjeljenja; Služba civilne zaštite, koju čine tri odjeljenja; Služba za boračko-invalidsku zaštitu i opću upravu, koju čine tri odjeljenja i Služba za internu reviziju.

Broj sistematiziranih radnih mjesta unutar općinskog organa uprave je 97 državnih službenika i namještenika.

Da bi Općina u narednom periodu mogla na efikasan način realizirati planirane programe, odnosno mjere, neophodno je nastaviti sa jačanjem organizacijskih i kadrovskih kapaciteta. S obzirom na sve veći broj projekata i aktivnosti koje Općina realizuje, postoji potreba za dodatnim kadrovskim jačanjem i organizovanjem, te je to svakako nešto na čemu bi u narednom periodu trebalo raditi.

**5) Mogući problemi i rizici za realizaciju trogodišnjeg plana rada**

Najbitniji preduslov za realizaciju plana rada u segmentu strateških aktivnosti i projekata predstavlja ostvarenje planiranog Budžeta, na pozicijama u okviru kojih su planirana namjenska sredstva za realizaciju strateških aktivnosti i projekata.

Mogući problemi i rizici u implementaciji na globalnom nivou su zasnovani na inflatornim kretanjima izazvanim ukrajinskom krizom i negativnim efektima koje je ona donijela.

Rizici implementacije plana se dijelom odnose i na nepovoljnu ekonomsko-političku situaciju u Federaciji BiH koja u značajnoj mjeri utiče na nova investiciona ulaganja u postojeća i otvaranje novih radnih mjesta i značajno utiče na odliv mladih i kvalifikovane radne snage.

Kadrovska nepopunjenost je generalno rizik za sve službe. Rizik od gubitka kvalificiranog osoblja, posebno onih koji imaju institucionalnu memoriju i koji su uključeni u aktivnosti na izgradnji kapaciteta može dovesti u pitanje realizaciju planiranih aktivnosti.

Broj: 08-24-1-2198-4/23

Datum: 14.02.2024. godine

OPĆINSKI NAČELNIK  
Mr. sc. Suad Huskić



